

道書集成

九洲圖書出版社

伍真人丹道九篇序

仙宗果位了證長生佛宗果位了證無生然而了證無生必以了證長生爲實詣了證長生尤必以了證無生爲始終所謂性命雙修者也斯錄闡發仙宗而以佛宗爲印證故名合宗無非使天下後世知性命雙修爲要也向有天仙正理直論九章數陳仙理次第詳明茲復述仙佛合宗語錄九章一以闡直論未宣之秘法一以聲口傳未洩之天機有是錄而予中之妙妙中之妙炳若日星矣得者永寶之

道藏輯要

三

畢集六
一三三

伍真人丹道九篇

最初還虛第一

冲虛守陽

太和問云直論中言煉已先務有當禁止杜絕之端又言不煉已有難成之功之弊可謂詳言煉已之要矣昨又言最初煉已不過導其入門仍要還虛方入問與敢請還虛之理何謂也曰儒家有執中之心法仙家有還虛之修持蓋中即虛空之性體執中即還虛之功用也惟仙佛種子始能還虛盡性以純於精一之詣若夫人心則戾其虛空之性體冲冲不安流浪生死無有出期故欲修仙體者先須成載道之器欲成載道之器必須道藏輯要

丹道九篇

三

畢集六
一三三

盡還虛之功虛也者鴻濛未判以前無極之初也斯時也無天也無地也無山也無川也亦無人我與昆蟲草木也萬象空空杳無朕兆此即本來之性體也還虛也者復歸無極之初以完夫本來之性體也曰然則何所修持始盡還虛之功也曰還虛之功惟在對境無心而已於是見天地無天地之形也見山川無山川之跡也見人我無人我之相也見昆蟲草木無昆蟲草木之影也萬象空空一念不起六根大定不染一塵此即本來之性體完全處也如是還虛則過心不可得現在心不可得未來心不可得頓證最上一乘又何必修煉已之漸法也哉佛宗云無相光中常自在又云一念不生全體現六根纔動被雲

遮合此宗也

眞意第二

問云直論中所謂返觀內照凝神入於炁穴敢求詳示返觀內照之旨曰返觀內照卽眞意之妙用也蓋元神不動爲體眞意感通爲用元神眞意本一物也言神可也言眞意亦可也眞意卽虛中之正覺所謂相知之微意是也返觀內照者返迴其馳外之眞意以觀照於內也煉精之時眞意觀照於煉精之百日煉炁之時眞意觀照於煉炁之十月煉神之時眞意觀照於煉神之三年此返觀內照之大旨也曰凝神入炁穴之大旨又何謂也曰煉精之時有行住起止之工行則採取如是○卽運息道藏輯要

丹道九篇

三

畢集六

以合神炁之眞意也住則封沐如是○卽停息以伏神炁之眞意也起則採封之後眞意運息合神炁於十二時中自子時而起火也止則象闔之後眞意停息合神炁於本根還虛而止火也可見行住起止悉皆元神凝合於炁中不謂之凝神入炁穴不可也猶未已也當大藥服食之後務宜定覺於庭穴之虛境雖周三千六百時之天未嘗一瞬息離於結胎之所不謂之凝神入炁穴不可也然眞意有動靜兼用之功有事靜不動之功尤不可不知也何爲動靜兼用之工初關鍊精眞意採煉屬動封沐屬靜三年乳哺眞意出收屬動歸宮還虛屬靜此動靜兼用之功也何爲專靜不動之工中關煉炁惟神意定覺於庭穴

之虛境爲結胎之主但任督二炁自然之有無而不着意於二炁之有無可見十月嘗靜未嘗移意毫髮許也此專靜不動之工也更進而論之三年乳哺已造還虛之極雖眞意一出一收而實不着意於出收則是出亦靜收亦靜謂之專靜不動亦可也曰動靜適宜自合妙機倘失眞意其弊云何曰煉精之時若失眞意則無以招攝二氣合神歸定於卒根以妙積陽之用煉炁之時若失眞意則無以保護二炁歸定於胎中以證純陽之果煉神之時若失眞意則無以遷神歸定於泥丸復戒慎出入於天門以施乳哺之功予向有一頌云陽氣生來塵夢醒攝情合性歸金鼎運籌三百足周天伏氣四時歸靜定七日天心陽道藏輯要

丹道九篇

雷

畢集六

來復五龍捧上崑崙頂黃庭十月足靈童頂門出入三年整屆指從前那六工般般眞意爲綱領九年打破大虛空跨鶴乘鸞任遊聘此予總頌陽關三疊咸不離夫眞意眞意之用大矣哉然須知眞意不涉較量一涉較量卽非眞意矣佛宗云擬議卽乖較量卽錯合此宗也

水源清濁眞丹幻丹第三

問云直論中有不知先後清濁之辨不可以採取眞炁何謂也曰先後清濁卽水源之辨眞丹幻丹之所由別也曰旣云丹均是陽精所成何有眞幻之別也曰水源既有清濁之殊則成丹不無眞幻之別若築基昧此則違眞從幻往往有之矣今爲爾

詳辨之凡有念慮存想知見睹聞皆屬後天所謂濁源也陽精從此濁源中生因而採封鍊止縱合乎妙天機終成幻丹以其水源不清也若夫無念無慮不識不知虛極靜篤時即屬先天所謂清源也陽精從此清源中生於焉採封鍊止兼合乎妙天機遂成真丹以其水源不濁也凡陽精從清源中生即須採而煉之倘陽精從濁源中生棄之不採可也誠能最初還虛則採煉陽精悉就真丹自無幻丹之謬矣古云煉藥先須學煉心誠有鑒於水源之宜清也佛宗云心濁不清障菩提種合此宗也

火足候止火景採大藥候天機第四

問云直論中所謂三百周天猶有分餘象間數一候乎妙機同道藏輯要

丹道九篇

三五

畢集六

於三百候義旨云何曰此言火足之候也所謂三百周天者三百妙周之限數也欲人知火足之候在得乎妙機之周天滿三百候之限數也凡行小周天之火有善於行火者焉有不善於行火者焉善於行火者水源清真採封如法煉止合度心不散亂意不昏沉以至三百息數混合神炁貫串始終此一周天乃得乎妙機之周天也不善於行火者或水源凡濁或採封違法煉止失度因昏沉散亂以至三百息數斷而復連神炁不均時離時合此一周天乃失乎妙機之周天也除失乎妙機之周天不計外獨計得乎妙機之周天要滿三百候之限數方為火足之候止火之候此積於內者也猶有龜縮不舉並陽光二限之

景皆為火足之候止火之候此形於外者也故佛有倒卻門前刹竿着之句又有成就如來馬陰藏相之句皆為縮龜不舉之明證也又有寶勝如來放光動地之句亦為陽光發現之明證也曰陽光發現之時從何處而現曰兩眉間號曰明堂陽光發現之處也陽光發現之時恍如掣電虛室生白是也當煉精之時即有陽光一現之景斯時也火候未全淫根未縮一遇陽生即當採煉運一周天以至採煉多番周而復周靜而復靜務期圓滿三百妙周之限數而後已限數既滿惟宜入定以培養其真陽聽陽光之二現可也由是於靜定之中忽見眉間又掣電光虛室生白此陽光二現也正是止火之景止火之候也是時

道藏輯要

丹道九篇

三五

畢集六

三百妙周之限數恰恰圓滿龜縮不舉之外景次第呈驗矣此內外三事次第而到者也曰三事既次第而到彼又謬自行火何也曰此時動氣雖不妄馳於腎竅而生機卻內動於炁根故炁機發動或一動二動亦所有事彼昏不知覺其二動以為可採輒行採煉者有之是以有傾危之害也曰欲免傾危須究其顯驗所以然之理祈老師歷歷言之曰築基已成精盡成炁恰好限數圓滿限數既滿則火之已足足微矣攝此動炁凝成丹藥方得淫根如龜之縮既已龜縮則藥之已成又足微矣陽關已閉無竅可通方得淫根絕無舉動既絕不動無精可煉則火之當止又足微矣所積陽氣盡伏炁根方得陽光二現光既二

現則陽炁之可定於炁根又足徵矣故陽光二現縱有動機亦去其火更宜入定以培養其真陽靜聽陽光之三現可也由是於靜定之中忽見眉間又掣電光虛室生白此陽光三現也真陽圓聚大藥純軋方得陽光三現光既三現則炁根之內已有大藥可採又足徵矣要之止火當自陽光二現爲始至三現爲終故二現三現皆名止火之景止火之候獨是陽光三現方兼名採大藥之景採大藥之候也曰行火至於陽光四現遂至傾危何也曰此由不依止法妄自行火之過也不知陽光三現大藥可採若行火至於四現則大藥之可定者必隨火之不定者而溢出於外化爲後天有形之精矣可不戒哉佛宗云如來善道藏輯要

丹道九篇

三

畢集六
X上三

護寶珠自然放光有節合此宗也

七日採大藥天機第五

問曰直論中所謂七日口授天機採其大藥未審大藥何以必須採於七日也曰陽光三現之時純陽真炁已凝聚於鼎中但隱而不出耳必用七日採工始見鼎中火珠成象祇內動內生不復外馳故名真鉛內藥又名金液還丹又名金丹大藥異名雖多祇一眞陽卽七日來復之義也曰採大藥天機求老師詳訓曰以初採言之其呼吸之火自能內運任火自運絕不着意於火亦不弛意於火方合平妙機之火也此時用火猶當入定而專用眸光之功時以日間用雙眸之光專視中田夜間用雙

眸之光守留不忘如是以採之大藥自生陰符經所謂機在目者此也曰天機已明但採之而所以得生之理尙求教益曰採之而所以得生之理有四說焉蓋以交姤而後生勾引而後生靜定而後生息定而後生也曰何爲交姤而後生曰心中元神屬無形之火腎中元氣屬無形之水心中無形之火神因眸光專視而得凝於上則腎中無形之水氣自然薰蒸上騰與元神交姤而無上下之間隔矣無形之水火既以交姤於上則久積純陽之炁自然團成大藥如火珠之形發露於下矣如天地氤氲萬物化生者然蓋無形能生有形自然之理也古云平黃若也無交姤怎得陽從坎下飛卽此義也曰何爲勾引而後生曰

道藏輯要

丹道九篇

三

畢集六
X上三

雙眸之光乃神中眞意之所寄眸光之所至眞意至焉眞意屬土土乃中宮之黃婆黃婆卽勾引之媒妁也黃婆勾引於上則大藥自相隨而出現於下矣古云中宮胎息號黃婆卽此義也曰何爲靜定而後生曰元神因眸光專視歸凝上之本位而得定機則元炁亦歸凝於下之本位而得定機神炁俱得定機由是元炁成形因定而生動祇動於內生於內矣古云採眞鉛於不動之中又云不定而陽不生卽此義也曰何爲息定而後生曰此後天自運之火亦得定機也先天元神元炁因眸光專視而得定機於上下之本位則後天自運之火亦因神炁之定機而有所歸依自然伏定於炁根而無上下之運行矣眞息一定

大藥自生真息不定大藥必不生也古云定息採真鉛卽此義也此四說皆以眸光爲招攝故其生意乃爾也昔邱祖相傳一偈云金丹大藥不難求日現中田夜守留水火自交無上下一團生意在雙眸旨哉此偈也須知大藥生時六根先自震動丹田火熾兩腎湯煎眼吐金光耳後風生腦後驚鳴身湧鼻搐之類皆得藥之景也大率採藥至於三四日間真定將定未定之時得藥六景卽次第而現若採藥至於五六日間則真意一定而大藥已生矣故七日之期亦大概之言耳佛宗云天女獻花又云龍女獻珠合此宗也

大藥過關服食天機第六

道藏輯要

丹道九篇

元

畢集六

問曰直論中所謂大藥過關有五龍捧聖之秘機未審是何取義箇中妙妙望詳剖曰前輩先師欲明過關秘旨故借予帝捨身得道之事以喻言之所以喻言者以五乃土數真息屬土龍乃元神元神爲真意之體真意爲元神之用體用原不相離故云五龍聖卽大藥之喻用意引大藥過關故云五龍捧聖也其間有過關服食之助工向已詳言於三次口傳之內矣茲不復贅蓋以童真與夫漏精一度之人則過關服食之助工自當應用若漏精多度則此助工不復可用卽當行過關服食之正工矣天機示汝汝當珍重今且以大藥初生言之因其多經積累始得形如火珠此先天純陽之炁能生後天真息之火火藥

同根而生故言藥不言火而火卽在其中矣大藥發生不附外體祇內動於炁穴須知炁穴之下尾闕界地有四道歧路上通心位前通陽關後通尾闕下通穀道尾闕三竅髓實呼吸不通穀道一竅虛而且通乃氣液皆通之熟路尾闕穀道一實一虛故名下鵲橋尾闕關上夾脊三竅至玉枕三竅與夫鼻上印堂皆髓實填塞呼吸不通鼻下二竅虛而且通乃呼吸往來之徑路印堂鼻竅一實一虛故名上鵲橋關竅既明則防危慮險之功尤不可不知也蓋大藥將生之時先有六根震動之景六根既已震動卽當六根不漏以遂其生機大藥既生之後六根卽宜遷入中田以化陰神務先逆運河車而超脫之尤當六根不

道藏輯要

丹道九篇

三

畢集六

漏以囊其轉軸故下用木座抵住穀道所以使身根不漏也上用木夾牢封鼻竅所以使鼻根不漏也含兩眼之光勿令外視所以使眼根不漏也凝兩耳之韻勿令外聽所以使耳根不漏也唇齒相含舌抵上腭所以使舌根不漏也一念不生六塵不染所以使意根不漏也既能六根不漏可謂防閑之至密矣猶未也方大藥之生於炁穴也流動活潑自能飛升而上騰於心位心位不貯自轉向下由界地而前觸夫陽關陽關已閉自轉動由界地而冲夫尾闕尾闕不通自必轉動由尾闕而下奔穀道穀道易開大藥洩出前工廢矣此下鵲橋之危險也卽邱曹二真人走丹之處預用木座狀如餽首覆棉取軟坐抵穀道其

勢上登不使大藥下奔既爲外固之有具矣又有內固之法焉大藥冲尾閭不透自轉動而有下奔穀道之勢纔見其下奔即微微輕撮穀道以禁之斯爲內固之至嚴矣內外如此固嚴自能保全大藥不至下奔於穀道祇附尾閭遇阻而不動矣斯時也若用眞意導引則失唱隨之機縱導引頻頻終難過關故有善引之正工焉纔見其遇阻不動卽一意不生凝神不動動而後引不可引而使動也忽又自動衝關卽隨其動機而有兩相知之微意輕輕引上自然度過尾閭而至夾脊關矣關前三竅髓阻不通大藥遇阻不動惟是一念不生凝神不動以待其動忽又自動冲關卽隨其動機而有兩相知之微意輕輕引上自

道藏輯要

丹道九篇

三

畢集六
×××

然度過夾脊而至玉枕關矣關前三竅髓阻不通大藥遇阻不動惟是一意不生凝神不動以待其動忽又自動冲關卽隨其動機而有兩相知之微意輕輕引上自然度過玉枕直貫頂門向前引下至於印堂印堂髓阻不通自轉動而妄行於鼻下便道之虛竅矣若非木夾爲之關鎖幾何而不淪於洩也洩則前工廢矣此上鵲橋之大危險也故木夾之用不可不預爲防也預防有具則大藥不致下馳於鼻竅祇附於印堂遇阻而不動矣惟是一意不生凝神不動以待其動忽又自動冲關卽隨其動機而有兩相知之微意輕輕引上自然度過印堂降下十二重樓猶如服食而入於中丹田神室之中點化陰神爲乾坤交

姤蓋通中下二田合而爲一者也此過關服食之正工也昔邱祖偈云金丹冲上韓天罡何患阻橋又阻關一意不生神不動六根不漏引循環旨哉此偈也蓋天罡居天之正中一名天心在天爲天心在人爲眞意大藥憑眞意之轉旋而升降猶天輪藉天心之幹運而循環皆一理也須知用木座抵住穀道其勢已上登不使大藥下奔故亦有不下奔穀道者卽不必行輕撮穀道之事惟用過關之正工而已然過關正工其行住之機惟在順其自然爲要也佛宗云未有常行而不住亦未有常住而不行合此宗也

守中第七

道藏輯要

丹道九篇

三

畢集六
×××

問云直論中謂欲將此炁煉而化神必將此炁合神爲煉何爲必將此炁合神爲煉也曰既採得金丹大藥逆運河車入於神室之中矣倘其神光失照則大藥失其配偶而旋傾故必以元神爲大藥之歸依以大藥爲元神之點化相與寂照不離則陽炁自能勤動發生與眞息相運於神室而元神得其培養以相煉也曰何爲將此炁煉而化神也曰大藥得火炁相運於神室既能點化神中之陰陰神賴以降伏而念慮不起又能培補神中之陽陽神愈益陽明而昏睡全無不謂之煉炁化神不可也曰直論註中既言伏炁於丹田炁穴中而結胎其後正文又言大藥轉歸黃庭結胎之所蓋炁穴屬下田黃庭屬中田何以言

結胎之所有二田之別也曰初行大周天之火元神雖居於中田卻連合下田二炁以爲妙用必元神寂照於中下二田相與渾融化成一虛空之大境使二炁助神結胎故二田皆是落處若拘守於一田則神有滯碍而失大圓鏡之智用矣烏乎可曰直論中所謂守中之理敢請詳訓曰中也者非中間之中乃虛空之謂中也守也者非拘守之謂守乃致虛之謂守也守中也者不着意於二田亦不縱意於二田卽所謂元神寂照二田成一虛境是也故能葆中之體者一念不生寂然不動直守到食豚兩絕昏睡全無亦須與不離於寂也能盡中之用者靈光不昧迥脫塵根直守到二炁俱無念無生滅亦須與不離於照也

道藏輯要

丹道九篇

三

畢集六

從來體用不分寂照同用所以全十月養胎之要務者蓋如此曰直論中言胎又言胎息又言眞胎息請一一言之曰十月之關有元神之寂照以爲二炁之主持故云胎有二炁之運行以爲元神之助養故云胎息忘二炁運行助養之跡而胎神終歸大定故云眞胎息也曰大周天火候請詳言之曰自服食大藥之後三關九竅阻塞之處盡已開通須知此後二炁勤生自能運轉於已通之正路服食於二田之虛境以培養夫元神故其一升一降循環不已亦自然而然者也可見此時之火自不用意引之火火旣不用意引又豈可着意於火而凝滯夫元神之大定也邪惟是不見有火相方合有不無之文火爲大周天

之火候也然非元神寂照於二田之虛境又寧得二炁之勤勤發生運養不絕有如斯也曰十月關中歷月自有景驗願聞其詳曰初入定時守定三月則二炁之動機甚微但微動於臍輪之虛境而已若守至四五月間則二炁因元神之寂照以至服食已盡而皆歸定滅元神因元氣之培育以致陽明不寐而得證眞空二炁俱停食性已絕獨存一寂照之元神以爲胎仙之主矣更守至六七月間不但心不生滅亦且昏睡全無更守至八九月間則寂照已久百脉俱住更守至十月則候足純陽神歸大定於是定能生慧自有六通之驗六通者漏盡通天眼通天耳通宿命通他心通神境通也前煉精時已有漏盡一通至

道藏輯要

丹道九篇

三

畢集六

此方有後五通之驗蓋天眼通則能見天上之事天耳通則能聞天上之言宿命通則能曉前世之因他心通則能知未來之事惟神境一通乃識神用事若不能保扶心君卽爲識神所轉卻自喜其能修能證而歡喜魔已入於心矣由是喜言人間之禍福喜言未來之事機禍不旋踵而至矣惟是慧而不用則能轉識成智始得證胎圓之果也古云三萬刻中無間斷行行坐坐轉分明正所以發明十月養胎祇在綿密寂照之功而已全也曰直論注中謂卯酉子午是沐浴之位故初關活子時有沐浴之用何以中關十月亦有沐浴之用并防危慮險之機乞師諱示曰五行火長生在寅沐浴在卯死在酉水土長生在申沐

浴在酉死在卯金長生在巳沐浴在午死在子木長生在亥沐浴在子死在午故卯酉子午之位是沐浴之位亦是死而不動之位也當知洗心滌慮爲沐浴之首務一炁不動爲沐浴之正工又當知眞炁薰蒸亦是沐浴之義也防危慮險者防其不洗心滌慮也不洗心滌慮則難得眞炁薰蒸以臻二炁不動之效故沐浴之義之用亦祇在綿密寂照之功而已全直論注中有欲知沐浴之義可自查語錄以考其全機者此也所謂一年沐浴防危險者亦此也曰胎圓確證尙冀詳明日數月以前一炁俱無食脉兩絕已有明徵矣是以無論在十月關內十月關外但有一毫昏沉之意餘陰尙在有一毫散亂之念神未純陽必道藏輯要

丹道九篇

三

畢集六

滅盡定合此宗也

出神景出神收神法第八

問曰直論中所謂神已純全胎已滿足必不可久留於胎再用遷法自中下而遷於上丹田以加三年乳哺之法伏望指示曰上丹田名泥丸宮陽神歸伏之本宮也歸伏本宮神未壯健如嬰兒幼小必憑乳哺故有乳哺之名倘拘神於上丹田之小境則失還丹之義旨大悖乳哺之法矣其法兼存養之全體出收之大用而言者也蓋存養之功不着意於上田亦不縱意於上

道藏輯要

丹道九篇

三

畢集六

田惟一陽神寂照於上田相與渾融化成一虛空之大境斯爲存養之全體乃爲乳哺之首務也存養功純自有出神之景焉出神景現神可出矣當出而不出則不超不脫難入聖階故出神之景在所當知也當其存養功純忽於定中見空中六出紛紛卽出神之景也斯時也卽當調神出殼一出天門而旋收焉出則以太虛爲超脫之境收則以上田爲存養之所須知出收之時少而存養之時居多又出宜暫而不宜久宜近而不宜遠始則出一步而旋收焉或出多步而旋收焉久之或出一里而旋收焉或出多里而旋收焉乃至百千里皆以漸次而至不可躐等而至也所以然者以嬰兒幼小迷失難歸或有天魔來試亂我心君故須出入謹慎方能全虛空之全體於往來之中以完夫乳哺之大用也古云道高一尺魔高一丈不但天魔來試抑且識神變現使然總要保扶心君爲上也若乃最初還虛功純則靈臺湛寂不染一塵本無一物魔自何來此又度越等夷者矣故修士當以最初還虛爲急務也若夫乳哺敬謹能還虛於三年則陽神始得老成自可達地通天入金石而無碍矣佛宗云始成正覺如來出現又云神成出胎親爲佛子合此宗也

末後還虛第九

問曰直論中有上關煉神九年面壁之名末後還虛未審煉神義旨求師詳示曰煉神也者無神可疑之謂也緣守中乳哺時

尙有寂照之神此後神不自神復歸無極體證虛空雖歷億劫祇以完其恒性豈特九年而已哉九年云者不過欲使初證神仙者知還虛爲證天仙之先務也故於九年之中不見有大道之可修也亦不見有仙佛之可證也於焉心與俱化法與俱忘寂之無所寂也照之無所照也又何神之可云乎故強名以立法爲末後還虛云爾佛宗云欲證虛空體示等虛空法證得虛空時無是無非法合此宗也

後跋

仙佛合宗語錄始成有姑蘇弟子吳澄川問斯錄亦當付之割剝否冲虛子曰不可斯錄也備龍門秘法天機續邱祖龍門仙

道藏輯要

丹道九篇

卷六

畢集六

派之錄也若是有力慕道者則將此以度同志之人若是無力養道者則藉此以遇護道之侶不比直論人人可見也須百日功成者方可付之否則或三代有德向善兼能助師養道或力不足能代募助師亦可付之古云法財兩濟此之謂也

邱祖秘傳小周天歌訣

極靜而動兮一陽來復藥產神知兮妙訣通靈微陽初生兮嫩而勿採藥物堅實兮十五光盈時當急採兮莫教錯過久而望遠兮採之無成氣馳於外者神亦馳外神返於根者氣亦回根氣曰將盡兮採封候足子時起火兮須要分明如何云火兮後天呼吸如何用火兮呼降吸升用火兮妙兮如無似有行火鼎

內兮息効真人火須有候兮數息出入名爲刻漏兮用定時辰自子至巳兮六陽用九三十六息兮採取進升自午至亥兮六陰用六二十四息兮退降煉烹卯陽沐浴兮陽火宜熄酉陰沐浴兮陰符宜停不降不升兮沐浴景象較之大周兮畧有微形周天三百兮除卯酉數三百六十兮連卯酉名再加五度兮四分之一以象間餘兮周天一巡復歸於靜兮依然沐浴神凝炁穴兮再候陽生行之既久兮精返爲炁廻風宜止兮百日功靈六根震動兮七日口訣大周功起兮再問迷津

道藏輯要

丹道九篇

卷六

畢集六

道書集成

通志道家書目

附

老子

宋石迪功郎鄭樵漁仲撰
井研賀龍驤抄

老子道德經二卷周柱下史李耳撰戰國史河上丈人注又一卷漢文帝時河上公注又二

卷漢長陵二卷又二卷嚴遵注又二卷政和御解又二卷王弼注又二

卷鍾會注又二卷羊祜注又二卷蜀才注又四卷羊祜注又二卷晉向秀注又二

卷又二卷晉江州刺史王尚楚注又二卷劉仲景注又二卷袁真注又二卷

張憑注又二卷曹道注又二卷盧真注又四卷景洪注又二卷陳泉注又二

卷鍾樹山注又二卷李九思注又二卷古注又二卷僧惠注又二卷僧惠注又二

通志道家書目 卷八

二卷僧鳩摩羅什注又二卷僧義集注又二卷程韶集注又四卷任真子集注又四卷

道士張道相集三十家注又四卷梁瞿等注又二卷偃松子注又四卷李納注又三卷道士

李衆注又二卷唐明皇注又二卷辟閭仁注又二卷傳弈注又二卷楊善注又

二卷吳善注又小解二卷又二卷道士陳元英注又二卷盧藏用注又新歌

注道德經一卷李若愚撰老子音一卷晉孫登撰又一卷李軌撰又一卷戴

又音解二卷李旼撰老子義疏一卷顧歡撰又五卷孟智周撰又四卷

章處元撰又九卷戴說撰又四卷趙志堅撰又八卷唐明皇撰又二卷名氏撰又四

卷王願撰又十四卷江微撰又四卷賈青撰老子古本二卷老子講

疏四卷梁武帝撰又六卷梁武帝撰又四卷何晏撰老子章句一卷母邱望之撰

老子指趣三卷母邱望之撰老子指歸十一卷嚴遵注老子義綱一卷

願歆撰元言新記道德二卷王肅撰道德經品四卷梁瞿撰老子節解

二卷老子章門一卷老子指略例二卷王弼撰老子指略論

二卷道德問二卷何晏撰道德經序訣二卷葛洪撰道德經開題

序訣義疏七卷成元英撰老子元旨八卷韓莊撰道德經元譜一卷劉

民撰道德經譜二卷道士扶少明撰道德經傳四卷陸希聲撰道德經廣聖義

三十卷唐杜光庭撰老子述義十卷賈大隱撰老子道德簡要義五卷元

先生撰道德經內解一卷道德經兵論要義述四卷道德經

雜說一卷陸修靜撰道德經契源一卷道德經纂微二卷道士陳景先撰

道德經傳授圖一卷老子猶龍傳三卷賈善撰老子昌言一卷

呂氏撰老子心鏡一卷崔少元撰老子真義機要一卷

通志道家書目 卷八

莊子

莊子二十卷梁漆園史莊周撰晉散騎常侍向秀注又十六卷司馬

又十卷郭象注又三十卷隋撰又十八卷孟氏注又十卷楊上善注又十

二卷盧藏用注又十卷道士文海注又三十卷成元英注又十卷張昭補注又十五

卷四家注又二十卷李願撰又二十卷王元古撰莊子音一卷李軌撰又

三卷徐邈撰又三卷郭象撰又一卷王穆撰又直音一卷賈善撰又注音

一卷司馬彪撰又外篇雜音一卷又內篇音義一卷莊子講疏

三十卷梁簡文撰又二卷張樛撰又八卷莊子義疏三卷宋處士李叔之

又八卷戴說撰又十卷王穆撰又十二卷道士成元英撰莊子內篇講疏

八卷周弘正撰莊子文句義二十八卷莊子文句義二十卷明撰

莊子古文正義十卷馮廓撰南華論二十五卷梁曉撰南華論音三

卷莊子論二卷李充撰莊子指要三十三篇張九南撰南華仙人莊

子論三十卷梁曉撰莊子內要一卷南華真經篇目三卷莊

子餘事一卷陳景先撰莊子統略三卷南華象罔說十卷張海撰南

華通微十卷元載撰南華真經提綱一卷王曉撰莊子通真論三卷

唐賈參撰莊子邈一卷南華總章一卷碧虛撰南華章句七卷碧虛撰

諸子

鬻子一卷周文王師楚人鬻熊撰又三卷王觀撰列子冲虛至德

真經八卷鄭穆公時隱者列禦寇撰又八卷盧重元撰又

通志道家書目卷八

八卷孫鶴撰又八卷御注列子釋文二卷列子統略一卷列

子音義一卷列子指歸一卷文子十二卷老子弟子也又

十二卷李暹撰又十二卷朱弁撰文子釋音一卷文子統略一卷

文子家語要言一卷鵲冠子三卷楚隱人莊成子十二卷

塞子一卷唐子十卷吳唐撰蘇子七卷晉北中郎參宣子二卷

晉宣城令陸子十卷陸雲撰幽求子二十卷杜東撰抱朴子內篇二

十卷葛洪撰符子二十卷東晉員外郎符朗撰賀子十卷賀道養撰少子五

卷齊司徒左長史張融撰無名子一卷張太衡撰元子五卷廣成子十三卷

商洛公撰又三卷何遜撰亢倉子音略一卷亢倉子三卷老聃

庚桑楚撰無能子三卷唐光啟中隱者不著名氏撰同光子八卷劉無元撰

王士元撰

三卷張志和撰達觀子一卷淨佳子二十卷蕭子良撰天隱子一卷

元中子三卷杜登撰元筌子一卷路瓌撰素履子一卷淮南鴻烈

解二十卷許慎撰黃石公素書一卷宋齊邱化書六卷

陰符經

陰符經一卷黃帝撰又一卷七家注又一卷唐張果注又一卷袁

真又三卷陸佃注又三卷蕭真注又一卷黃居注又一卷沈亞

任照又一卷蔡昌反注又一卷唐李奎注又一卷杜光庭注陰符機一卷李靖

陰符經太無傳一卷唐張果得於道藏不詳作者陰符經正義一卷唐李

符經要義一卷驪山母傳陰符妙義一卷唐李奎撰新注陰符經

序一卷陰符經辨命論一卷唐張果撰陰符經小解一卷陰符

通志道家書目卷八

天機經一卷陰符經元談二卷元解先生撰陰符經一卷杜

庭陰符十德經一卷葛洪撰陰符經疏三卷袁淑撰陰符經頌三卷

太元釋自論集解陰符隨經元義五卷頌陰符經一卷元陽

李筌傳陰符經序一卷陰符經訣一卷陰符經解題一卷

陰符經章句疏三卷張彤撰陰符經序一卷陰符太元傳一

卷陰符經五賊義一卷陰符經元義一卷唐張果撰太丹黃帝

陰符經一卷房山長注陰符太丹經一卷房山母注陰符太丹經解一卷

黃庭經

太上黃庭內經一卷務成子注太上黃庭內景玉經一卷梁邱又六

卷五家注黃庭祕言內景經一卷尹真撰黃庭內景經一卷唐白履

道書集成

黃庭內景保生延壽訣一卷孫成太上黃庭外景經三卷李子

黃庭秘言外景經一卷尹真黃庭中景經一卷黃庭外景玉

經注訣一卷黃庭內外玉景經十卷蔣慎太上黃庭內外景

經二卷黃庭玉景內篇四卷趙通黃庭玉景篇二卷黃庭

二景三皇內譜一卷黃庭五藏道引玉軸經一卷黃庭五

藏圖一卷老子黃庭內視圖一卷黃庭五藏內景圖一卷

唐女子黃庭外景圖一卷黃庭五藏道引圖一卷黃庭圖

證訣一卷青龍黃庭集訣一卷陶真黃庭經訣誦一卷黃庭

五藏論七卷趙真黃庭五藏經一卷黃庭內景真形錄一卷

黃庭養神經一卷黃庭內景五藏六府圖一卷胡信黃庭

通志道家書目卷八五

內景五藏六府補瀉圖一卷

參同契

周易參同契三卷漢魏伯陽撰又五卷翟直陰陽統略周易參

同契三卷徐從陰真君周易參同契三卷參同契合金丹行

狀十六變通真訣一卷參同契大易志圖一卷張處又一卷

重元參同契大易二十四氣修煉大丹圖一卷參同契大易

丹書一卷參同契手鑑圖一卷參同契明鑑訣一卷彭曉

參同契金碧潛通訣一卷周易參同契分章通真義三卷

參同契還丹火訣一卷參同大丹次序火數一卷參同契

特行丹一卷參同契五相類一卷漢魏伯陽撰金碧五相類參同

契一卷陰真參同契金石至藥論一卷

目錄

隋朝道書總目四卷經戒三百一部九百八十八卷服餌四十六部

錄十七部唐朝道藏音義目錄一百十三卷宋朝明道宮道

藏目錄六卷洞元部道經目錄一卷太真部道經目錄二

卷洞神部道經目錄一卷三洞四輔部道經目錄七卷王

若等靈寶經目序一卷陸修道藏經目七卷修真秘旨事目

歷一卷司馬道開元道經目一卷

傳

列仙傳二卷劉向撰列仙傳贊三卷孫綽列仙傳贊二卷郭元

通志道家書目卷八六

仙傳十卷葛洪說仙傳一卷朱思仙隱傳十卷周孫夷集仙傳

十卷洞仙傳十卷見素道學傳二十卷馬樞續神仙傳三卷

唐沈八仙傳一卷積八仙圖一卷鄭氏神仙傳略一卷葛洪

神仙纂要錄一卷江淮異人錄三卷宋朝吳寶仙傳三卷河

遠墟城集仙錄十卷杜光庭集古今女玉清秘錄二十卷仙

傳拾遺四十卷杜光總仙記一百三十卷宋朝錢神仙後傳十

卷唐王方疑仙傳三卷漢武內傳三卷太元真人東鄉司

命茅君內傳一卷唐李清虛真人王君內傳一卷弟子華清虛

真人裴君內傳一卷鄭雲正一真人三天法師張君內傳一卷

王真黃帝內傳三卷太極左仙公葛君內傳一卷按隋志已有此傳而唐云

呂仙傳一卷趙昇撰 又一卷孫思邈撰 老君內傳三卷尹喜撰 紫虛元君南岳夫人內傳一卷范逵撰 紫虛元君魏夫人內傳一卷項宗撰 關令尹喜內傳一卷鬼谷子撰 神仙內傳一卷唐道士胡慧超撰 仙史內辭十卷 晉洪州西山十二真君內傳一卷唐道士胡慧超撰 吳天師內傳一卷唐謝良撰 周義山內傳一卷後漢人居紫陽山劉真人內傳一卷 漢王珍遇桐柏真人升仙太子內傳一卷 華陽陶先生內傳三卷賈嵩撰 雲中先生內傳一卷 許氏神仙內傳一卷 漢天師內傳一卷 樓觀內傳三卷尹軌撰 樓觀本行傳一卷 青城山羅真人記一卷 劉君內記一卷王珍撰 太上真人內記一卷李氏撰 九華真妃內記一卷 翊聖保德真

逆志道家書目

卷八

七

君傳三卷宋朝王欽若撰 建隆中有神降於燕南山告符命之事故加以號焉 仙人許遠遊傳一卷王義之撰 陸先生傳一卷孔稚珪撰 王喬傳一卷 嵩高寇天師傳一卷宋都宋能撰 成仙君傳一卷 蘇君記一卷周季通撰 紫陽真人周君傳一卷華陽撰 眞系傳一卷李勣撰 許遜修行傳一卷道士胡洪崖先生傳一卷 洪崖先生別傳一卷 胡慧超傳一卷洪崖先生撰 潘學師傳一卷唐武后時人撰 蔡尊師傳一卷 葉法善傳一卷高宗時道士撰 摘仙崔少元傳一卷唐王元師撰 元州上卿蘇君記一卷漢周季通撰 瞿童述一卷漢造撰 大應八年辰溪童子翟柏庭於桃源觀昇仙東極真人傳一卷李堅撰 記聖明老君傳一卷 蘇耽傳一卷漢人又有成武丁傳 裴元人傳一卷雲撰 劉善慶傳一卷劉珍字善慶撰 聶練師傳一卷

宋朝吳叔撰記偽吳道士孫紹元事侯真人傳一卷盧椿撰 零陵先賢傳一卷 陶弘景傳一卷 三茅處士王潛傳一卷 緱氏嶺會眞王氏神仙傳五卷杜光庭撰 九天元女傳一卷 九天採訪眞君傳一卷 南嶽九眞人傳一卷 東華司命楊君傳一卷 成都山望仙宮十眞記一卷 委羽仙人有空明天眞人司馬君傳一卷 李先生傳一卷 王仙聖母傳一卷 謝自然別傳三卷 廣成先生劉天師傳一卷趙楷撰 華頂先生張天師本傳一卷 桐柏真人王君外傳一卷 漢天師外傳一卷 賀蘭先生傳一卷 碧虛先生傳一卷 江西續仙錄一卷 湖湘神仙顯異三卷 逍遙大師問政先生諸君傳一卷徐鉉撰 申儒先遇神和

通志道家書目

卷八

八

記

老君始終記一卷 混元皇帝升天記一卷 老子出塞記一卷宣康撰 老子化胡經十卷 老子私記十卷梁簡文帝撰 太上混元皇帝聖紀十卷楊上元撰 開元天記一卷 皇天原太上老君現跡記一卷唐文明元年現于號州閬中縣皇天原與豫章人鄭元宗語唐世社運事 尹喜本行記一卷 傳仙宗行記一卷陰山撰 邊洞元升天記一卷 議化胡經狀一卷唐武后時侍郎撰 道教經記一卷 道教靈驗記二十卷杜光庭撰 歷代帝王崇道記一卷杜光庭撰 眞教元符三卷唐戴道經降代撰 傳授年載記一卷杜光庭撰 平都山仙都觀記一卷山在忠州陰長生成仙之所

道書集成

神光寺聖跡記一卷 九始上真記一卷 紀聖賦一卷 山水元寶圖一卷 二十四化記三卷 唐段道士世貴撰記蜀中二十四山神仙之所 正一真人二十四治圖一卷 唐道士令狐見真撰叙蜀中二十四治之所名山福地 演正一氣化圖一卷 貴撰 元化圖一卷 朱開集叙福地 混元圖十卷 唐道士杜光庭 太清宮簡要記一卷 王坤撰 晉州羊角山唐觀記一卷 道士李用能撰 太上老君青羊肆瑞輶應見記一卷 廣皇帝本行記一卷 王璠撰 真宗得道錄一卷 王鉉撰

論

守白論一卷 任子道論一卷 魏河東太守任遐撰 夷夏論一卷 顧歡撰 任遐顧道士論三卷 顯正論一卷 道士劉進喜撰 三元精辨論一卷 唐白通志道家書 卷八

九

神仙可學論一卷 唐道士吳筠撰 元綱論三卷 吳筠撰 心目論一卷 吳筠撰 復淳化論一卷 吳筠撰 形神可固論一卷 吳筠撰 辨疑論一卷 唐施肩吾撰 中元論一卷 李延章撰 坐忘論三卷 唐司馬承禎撰 又一卷 吳筠撰 仙翁序一卷 葛洪撰 龍虎篇一卷 孫思邈撰 大道清臚論一卷 王承祐撰 淨土論一卷 重真記一卷 藍敏撰 學道登真論二卷 道生旨一卷 谷神子撰 大道形神論一卷 上虞隱士元黃子述撰 正一論一卷 答客論一卷 道體論一卷 保真養生論一卷 靈寶修真論一卷 李道綱撰 靈信經旨一卷 太元三破論一卷 張融撰 太元三教論一卷 明真辨偽論一卷 唐吳筠撰 蓋斥釋氏輔正除邪論一卷 吳筠撰 契真判謬論一卷 吳筠撰 道釋優劣論一卷 吳筠撰 辨方正惑論一卷

書

吳筠陶陸問答一卷 會三教論一卷 三教解紛論十五卷 孫夷撰 千金養生論一卷 孫思邈撰 混元正理論一卷 人元長生論一卷 朱枋撰 大道攝生論一卷 李泳撰 長生正義元門大論三十八卷 道典論三十卷 雲中子論一卷 王鶴撰 養生論一卷 廣成撰 五嶽真形序論一卷 太易保生論一卷 薛遂撰 通真論一卷 陶撰 神仙祕論一卷 十異九迷論一卷 道士李少卿撰 九霄君論一卷 吳天師論一卷 大道感異論三卷 幽傳福壽論一卷 一切道書音義序一卷 唐道士史崇興撰 畢夷祕照論五卷 李洎撰

真誥十卷 梁陶弘景撰 登真隱訣六十卷 陶弘景撰 上清攝中訣三卷 陶弘景撰 通志道家書 卷八

十

景靈靈祕寶符書一卷 通寶子撰 清祕錄二十卷 太白山沖真撰 龔古書三卷 朝撰 元珠龜鑑三卷 黃仲撰 左慈真人助相見規戒一卷 神異書三卷 道士元真撰 修行旨要三卷 道士朱真誥撰 鈔二卷 先天紀三十六卷 王欽若撰 上清文苑四十卷 樂史撰 仙苑編珠一卷 王松年撰 至言二卷 范修然撰 元門樞要一卷 杜光庭撰 道門四子治國樞要二卷 范乾撰 道門樞要一卷 杜光庭撰 玉清隱書一卷 尹先撰 潛真祕術一卷 歷鑒天元主物簿三卷 兩同書二卷 羅隱撰 付道內真訣一卷 陳七撰 太上道鑑四卷 道士張仲撰 上清天中真鑑錄一卷 年撰道德消魔略例一卷 威儀要訓二卷 道要三十卷 無上祕要七十二卷 學道要一卷 杜仲撰 清紫書二卷 謫

仙心鑑二卷 廣成集五十四卷 三洞珠囊三十卷 四子
統略一卷 造化權輿一卷 晉簡文談疏六卷 遊元桂林
二十一卷 張機撰 元書通義十卷 張機撰 太始天元玉冊元誥十卷
局鵠注 老君家令一卷 赤松子八誠錄一卷 陳搏撰 許旌陽遺教
一卷 遵戒避忌訣一卷

經

天真皇人經一卷 太上迴元九道飛行羽經一卷 上清洞
元內經一卷 靈寶度人經一卷 又四卷 李少微注 又四卷 道士陳元
英疏 靈寶五星秘授經一卷 靈寶元微妙經一卷 混元聖
紀經一卷 道士尹文操撰 老子西升經四卷 沖元子注 又二卷 徐道撰 又四卷

通志道家書目

卷八

上

××文

道士李榮注 又二卷 道士章處元注 又二卷 劉仁會注 又二卷 曹道沖注 又老子西昇
經疏三卷 老子存一經一卷 老子中經一卷 老子戒經
一卷 葛洪撰 老子修身經一卷 老子守三一經一卷 太上老
君歷劫經一卷 李通撰 太上玉歷經一卷 河圖龍文鮮甲元紀
帝瑞神經二卷 入室思赤子經一卷 老子鎮元靈經一卷
皇人守三一經三卷 神寶經一卷 裴真人撰 天童護命妙經一
卷 紫府元珠經十卷 曹唐撰 靈奇墨子術經七卷 崔知操撰 太上三
天正法經一卷 太上正一修真玉經三卷 上清丹景隱地
八術經二卷 上清鎮元靈策經一卷 天真皇人九仙經一
卷 唐葉靜能撰 羅公遠僧一行注 太元真一本際經一卷 太上老君枕中保

生秘密經一卷 鄭元注 太上黃素經一卷 上清青要紫書金根
眾經一卷 太上洞元靈寶部經一卷 九域經六卷 妙真
經一卷 靈寶昇元經十卷 流珠丹經一卷 玉經山經一
卷 成清經七卷 我媚赤赤隱士伏藥經三卷 度生死經
一卷 神仙歷藏經一卷 金炁丹經一卷 三陽經一卷
左仙翁因緣經一卷 靈寶安生宅妙經一卷 靈寶滅度經
一卷 靈飛六甲經一卷 三元真經一卷 中央元素經一
卷 內真妙用經一卷 內真經二卷 大道法元君說太陽
元精經二卷 老君說六丁六甲玉女真神秘經一卷 混元
經二卷 狼狐經一卷 老子青囊經一卷 三甲經一卷

通志道家書目

卷八

上

××上

鴻寶萬畢經六卷 靈寶先師太山北斗神光經一卷 天尊
禁戒妙經一卷 元都律二十五卷 元都律編八卷 上清
神州七轉七變舞天經一卷 文始先生說道經一卷 老子
說十三靈無經一卷 五公子問虛無道一卷 老子傳正一
天師印經一卷 太上混元上德皇帝說常清淨經一卷 董朝奇注 又
一卷 吳中起注 又一卷 周申注 又一卷 孫膺注 又別解一卷 又一卷 劉本
黃帝鑄鑑二儀通真經三卷

科儀

三洞奉道科誡二卷 金明七真撰 元都九真明科一卷 太上洞
元靈寶長夜之府九幽玉置明真科一卷 五等朝儀一卷 張萬

道書集成

福
三洞修道儀一卷 孫東撰 修黃錄齋儀一卷 安鎮城邑宮閣

醮儀一卷 杜光庭撰 醮靈官位儀一卷 太上黃錄齋壇真文玉訣

儀一卷 杜光庭撰 天經醮儀一卷 醮南辰北斗儀一卷 元始靈

寶五帝醮祭召真玉訣一卷 告元圖一卷 王欽若等定 醮文一卷

許真君修九幽立成儀一卷 亦名旌陽遺教 醮章奏議十八卷 杜光庭撰

元靈寶五嶽名山朝儀經一卷 唐司馬子微撰 人靜儀一卷 新修旨

要三卷 宋同微撰 真壇刊誤論一卷 海撰 評刊誤論三卷 商回撰 太上

三洞度人出家儀一卷 靈寶明真齋懺燈儀一卷 杜光庭撰 靈寶

玉匱明真大齋言功德儀一卷 祭玉女神法一卷 太上明

真救護章儀一卷 太上三元醮儀一卷 太上河圖內元經

通志道書 卷八 太上河圖內元經

禳災九曜醮儀一卷 杜光庭撰 靈寶拜章儀一卷 靈寶九等齋壇

式一卷 張先撰 靈寶奏醮普天眾真儀一卷 靈寶祈謝天神儀

一卷 靈寶祈五穀醮儀一卷 靈寶祈土僻神儀一卷 餅字更考

靈寶安宅齋儀一卷 杜光庭撰 靈寶自然行道儀一卷 杜光庭撰 太上二

十四化醮儀一卷 太上迎送壇儀一卷 上清露真奏表儀

一卷 太元醮儀一卷 太上北醮儀一卷 紫庭醮科三卷

禹步儀訣一卷 太上高上太真科令一卷 修真祕旨朝

儀一卷 唐明皇撰聖祖混元皇帝太清宮祠令一卷 步虛

洞章一卷 陸修靜撰 昇元步虛章一卷 陸修靜撰 靈寶步虛詞一卷 陸修靜撰

金真飛元步虛玉章一卷 靈寶步虛經一卷 太宗御製金

錄齋道詞一卷 真宗御製金錄齋道詞一卷 徽宗御製金

錄齋道詞一卷 真宗御製金錄齋道詞一卷 徽宗御製金

符錄

墨子枕中記二卷 女青鬼律十卷 老子六甲祕符妙錄一

卷 修六丁八史用事科法一卷 九天元女六甲將軍手訣

一卷 九天元女妙法一卷 六丁通應玉女真錄手訣一卷

祭六丁神法一卷 老子六甲祕符妙錄一卷 黃帝六甲

符訣一卷 靈飛六甲左右內名玉符一卷 天蓬神咒一卷

太上北帝天蓬壇場印圖一卷 五嶽真形圖文一卷 葛洪撰

靈寶五嶽真形圖一卷 八卦仙人祕訣一卷 黃帝八卦

通志道書 卷八 黃帝八卦

真形圖一卷 太極左公說神符經一卷 太清越章一卷

太上洞元靈寶元始五方赤書自然真文經一卷 太上習仙

經契錄一卷 金書玉券一卷 葛洪撰 金書祕字一卷 紫文

丹章一卷 佩符五色券五卷 太上洞元靈寶投簡符文要

訣一卷 神虎隱文一卷 太上靈寶護身符錄一卷 上清

太上元錄一卷 上清洞真紫蘭北壁真文一卷 真教元符

三卷 戴開撰 太上禳災解厄吉兆玉篆一卷 太上玉真章訣三

卷 太上靈寶吞服真文玉字一卷 靈寶五符三卷 太上

靈寶洞元大道無極自然真一五稱符經二卷 天一太一日

月星辰二十八宿行藏記一卷 洞真太上上皇氏籍定真玉